



玉機微義卷之九

執門

發熱附

內經敘熱為諸證

諸病喘嘔吐酸暴注下迫轉筋小便渾濁腹脹大鼓之有聲如鼓癰疽瘍疹瘤氣結核吐下霍亂脅鬱腫脹鼻塞衄血溢血泄淋悶身熱惡寒戰慄驚惑悲笑譫妄衄蟻血汚皆屬於熱

按此病機皆內經氣交變論五常政論至真要論等文河間劉守真撮而為六氣為病今但以身熱發熱分例如已下經言有諸病本之不同故茲病機不復參附一一見各類云餘證倣此

敘陰陽虛盛為熱

陽機微義卷之九
發熱附

經曰夫熱病者皆傷寒之類也。陽勝則熱。陰虛則內熱。陽盛則外熱。內外皆熱則喘而渴。故欲冷飲也。陽盛則身熱。腠理閉。喘粗。為之俛仰。汗不出。而熱齒乾。以煩寃。腹滿。死。能冬不能夏。有四肢執。逢風寒如灸於火者。是人陰氣虛。陽氣盛也。人身非常熱也。為之熱而煩滿者。陰氣少。而陽氣勝。故熱而煩滿也。三陽之病。發寒熱。病熱而有所痛者。是三陽之動也。

脉法

內經曰大熱病氣熱脉滿。是謂重實。尺寸脉俱虛。是謂重虛。粗大者。陰不足。陽有餘。為熱中也。王註云粗大謂脉洪大也。脉洪為熱。脉緩而滑。脉尺粗。常熱者。皆熱中也。陽氣有餘。為身

熱無汗。脉反濇者。為太過。血少陰虛也。

謹按經曰脉至而從。按之不鼓。諸陽皆然。王註云病熱而脉數。按之不鼓。動乃寒。盛格陽而致之。非熱也。形證是寒。按

之而脉氣鼓擊於指下。盛者。此為熱盛。拒陰而生。病非寒也。又曰推而內之。外而不內。身有熱也。傷寒論曰寸口脉微。為陽不足。陰氣上入陽中。則洒淅惡寒。尺脉弱。為陰不足。陽氣下陷入陰中。則發熱也。與難經言覆溢相乘。及六難浮損沉實。義皆診法之至要。於脉證大宜諳識。

難經曰熱病之脉。陰陽俱浮。浮之而滑。沉之散濇。

脉經曰弦數多熱。數為熱極。數脉為虛。為熱。數洪熱煩。

脉來如懸鉤而浮。為熱。滑數心下結熱盛。緊而數寒熱俱

發 沉細滑疾者熱 脈盛滑緊者病在外熱 脈沉而緊上

焦有熱下寒脈浮緊且滑直者外熱內冷內不通 寸口脈浮

大而疾者名曰陽中之陽病苦煩滿身熱頭痛腹中熱 寸口

脈宜見熱在脾肺數為吐為熱在胃口 關脈滑數胃中有客熱

緩而滑為熱中 牢脈為脾胃盛熱 尺脈實為身熱心痛

數為臍下熱痛浮為下熱風 凡脈洪大傷寒熱病也

謹按經曰脈浮緊發熱為傷寒卒病 脈浮而大者風脈浮

數無熱者為風 脈浮如數而有熱者氣也皆與熱證脈相

類

脈經曰熱病脈小或細喘逆不得大小便腹大而脹汗出而厥

逆泄注脈大小不調皆難治 熱病已得汗而脈尚躁盛此陰

脈之極也死 熱病不得汗而脈躁盛者此陽脈之極也死

脈浮而濇濇而身有熱者死

論熱在氣在血之分

東垣曰晝則發熱夜則安靜是陽氣自旺於陽分也晝則安靜

夜則發熱煩躁是陽氣下陷入陰中也名曰熱入血室晝則發

熱煩躁夜則發熱煩躁是重陽無陰也當亟瀉其陽峻補其陰

論五臟有邪身熱各異

以手捫摸有三法以輕手捫之則熱重按之則不熱是熱在皮

毛血脉也重按之至筋骨之六則熱蒸手極甚輕手則不熱是

邪在筋骨之間也輕手捫之不熱重力以按之不熱不輕不重

按之而熱是在筋骨之上皮毛血脉之下乃熱在肌肉也

肺熱者。輕手乃得。微按全無。日西熱甚。乃皮毛之熱。其證必見喘咳寒熱。輕者瀉白散。重者涼膈散。地骨散。

心熱者。微按至皮膚之下。肌肉之上。輕手乃得。微按至皮毛之下。則熱少。加力按之。則全不熱。是熱在血脉也。其證煩心。心痛。掌中熱而噦。以黃連瀉心湯。導赤散。硃砂安神丸。

脾熱者。輕手捫之不熱。重按至筋骨。又不熱。不輕不重。在輕手重手其間。熱在肌肉。遇夜尤甚。其證必怠惰嗜卧。四肢不收。無氣以動。瀉黃散。

肝熱者。重按之肌肉之下。至骨之上。乃肝之熱。寅卯間尤甚。其脈弦。四支滿悶。便難轉筋。多怒。多驚。四支困熱。筋痿不能起于床。瀉青丸。柴胡飲子。

腎熱者。輕手重手俱不熱。如重手按至骨分。其熱蒸手如火。其人骨蒸。如虫蝕。其骨困熱。不任。亦不能起于床。滋腎丸。主之。

按此手太陰少陰。足太陰厥陰。少陰本病。為皮毛肌肉骨分熱也。然而熱者。足陽明。口中熱如膠。足少陰。口熱舌乾。

足少陰。耳前熱若寒。手太陽。掌中熱。手厥陰。少陰太陰。足下熱而痛。足少陰。足外熱。足少陽。身熱膚痛。手少

陰。身前熱。足陽明。洒淅寒熱。手太陰。肩上熱。有似拔。手太陽。中熱而喘。足少陰。有背熱。及足小指外廉脛踝

後脊熱。足太陽。一身盡熱。狂而妄聞。妄見。妄言。足陽明。熱而筋縱緩不收。陰痿。足陽明厥陰。手少陰與前熱。在氣血

之分。皆諸經現證。腑臟陰陽是動。所生之本病也。

論表裏熱

病機機要云。有表而熱者。謂之表熱。無表而熱者。謂之裏熱。有暴熱而為熱者。乃久不宣通而致也。有服溫藥而為熱者。有惡寒戰慄熱者。治法小熱之氣。涼以和之。大熱之氣。寒以取之。甚熱之氣。以汗發之。發之不盡。則逆制之。制之不盡。求其屬以衰之。苦者治臟。臟屬陰。而居內。辛者治腑。腑屬陽。而在外。故內者下之。外者發之。又宜養血益陰。其熱自息。

按此。但總言表裏之意。而未分所受標本之源。然合前後諸論。觀之。則其病機著矣。

論雜病陰陽虛實寒熱與傷寒不同

內經曰。陰虛生內熱者。因有所勞倦。形氣衰少。穀氣上盛。上焦

不行。下脘不通。胃氣熱。熱氣熏胸中。故內熱。陽盛則外熱者。因上焦不通利。則皮膚緻密。腠理閉塞。玄府不通。衛氣不得泄。故外熱。陽虛則外寒。陰盛則內寒。見寒門

謹按趙嗣真曰。素問論陰陽虛實四證者。雜病也。難經六難之文。論脈也。外臺所述之文。論傷寒表裏也。但仲景所主陰陽虛盛之意。理實與焉。經云。邪氣盛則實。精氣奪則虛。因正氣先虛。以致邪氣客之。而為盛實。於是有陽虛陰盛。陰虛陽盛。二證之別。如活人書。却將素問所論雜病。陰陽虛盛四證。合而引證。仲景傷寒二證之法。又改陽盛外熱。作內熱。陰盛內寒。作外寒。所論初未嘗合。因拓仲景所主陰陽虛盛之理。而詳說之。蓋盛者。指邪氣而言。虛者。指正氣而言。陰陽虛盛。

邪正消長之機。且正氣在人。陽主表。而陰主裏。邪氣中人。表為陰。而裏為陽。若夫表之真陽先虛。故陰邪乘陽而盛。實裏受邪者。陽虛也。脈浮緊者。陰邪盛於外也。是謂陽虛陰盛。所以桂枝麻黃辛甘之溫劑汗之。則陰邪消。溫之。則真陽長。使邪去正安。故愈。又若裏之真氣先虛。故陽邪入陰而盛。實裏受邪者。陰虛也。脈沉實者。陽邪盛於裏也。是謂陰虛陽盛。所以用承氣酸苦之寒劑下之。則陽邪消。寒之。則真陰長。邪去正安。故愈。如其不然。陽盛而用桂枝。下咽即斃。陰盛而用承氣入胃以亡。是皆盛虛虛而致邪失正也。以是知仲景所王陽虛陰盛。陰虛陽盛二證之意。深蓋指一為表證。一為裏之邪。正消長而言。非無言表和裏病。裏和表病。而謂之陰陽

虛盛也。况和者無病處也。虛者受病處也。斯論可謂得仲景之心法。然陰虛生內熱。詳東垣丹溪之說。則又有陰虛外熱之證。陽勝外熱。考之河間。往往有陽勝內熱之例。是皆原其病機也。然經言者。內因證也。本病也。河間東垣丹溪言者。極變之證也。標病也。所謂凡則害。承廼制之例。又按仲景論陰陽相搏。名曰動陽。動為陽虛。虛則汗出。陰動為陰虛。虛則發熱。如不汗出發熱。而反形冷惡寒者。三焦傷也。或病因醫所誤。汗下之致。惡寒發熱者。一為陰陽不和。一為陰陽陷下致病。若此諸例。豈止陰陽虛實而已。但所因不同。極變之異爾。論雜證發熱惡寒與傷寒不同。

許學士曰。仲景云。假令寸口脈微。名曰陽不足。陰氣上入陽中。

則洒淅惡寒也。尺脉弱名曰陰不足。陽氣下陷入陰中則發熱也。此謂元受病而然也。又云陽微則惡寒。陰弱則發熱。此醫發其汗使陽氣微。又大下之。令陰氣弱。此謂醫所病而然也。大抵陰不足。陽往從之。故陽內陷則發熱。陽不足。陰往乘之。故陰上入陽中。則惡寒。陰陽不歸其分。故寒熱交爭。是以發熱而惡寒也。

原病式曰身熱惡寒。熱在表也。邪熱在表而淺。邪畏其正。故病熱而反惡寒也。或言惡寒為寒在表。或言身熱惡寒為熱在皮膚。寒在骨髓者皆誤也。仲景法曰無陽病。寒不可發汗。又言身熱惡寒。麻黃湯汗之。汗泄熱去。身涼即愈。然則豈有寒者歟。大法煩躁多渴。欲寒惡熱為病熱也。亦有亢則害。承乃制之。則病熱

甚而反覺其冷者也。雖覺其冷。而病為熱實。非寒也。其病熱鬱甚而反惡寒。得寒轉甚。而得煖少愈者。謂煖則腠理疎通。而陽氣得散。怫熱稍退。故少愈也。其寒則腠理固密。陽氣怫鬱。而熱轉甚。故病加爾。上下中外周身皆然。俗因之妄謂寒病。誤以熱藥投之。為害多矣。

又曰陰勝則寒。陽勝則熱者。謂裏氣與邪熱并之于表。則為陽勝而發熱也。表氣與邪熱并之于裏。則為陰勝而寒慄也。由表氣虛而裏熱。亢則害。承乃制。故反戰慄也。大抵本熱非病寒也。或傷寒病。寒熱往來者。邪熱在表而淺。邪惡其正。故惡寒也。邪熱在裏而深。邪甚無畏。物畏其極。故不惡寒。而反惡熱也。表裏進退不已。故為寒熱往來也。此氣不并于表裏。故異于瘧。而寒

熱微也。

按此數論並言雜病陰陽相乘及火熱盛反無水化為病亢則害承乃制之例但河間所引傷寒身熱寒熱與仲景及明理論義不相合詳趙氏曰明理論云往來寒熱者邪正分爭也邪氣之入也正氣不與之爭則但熱而無寒若邪正分爭於是寒熱作矣蓋以寒邪為陰熱邪為陽裏分為陰表分為陽邪之客于表也為寒邪與陽爭則為寒矣邪之入於裏也為熱邪與陰爭則為熱矣若邪在半表半裏之間外與陽爭而為寒內與陰爭而為熱表裏之不拘內外之無定由是寒熱且往且來日有至於三五甚者則十數發也若以陰陽相勝陽不足則先寒後熱陰不足則先熱後寒此特論雜病陰

陽二氣自相乘勝然也非可以語傷寒斯論為甚精切深合仲景之意蓋不唯釋疑於活人書而已可與前篇互看

又按河間言惡寒為寒在表或身熱惡寒為熱在皮膚寒在骨髓者皆誤也而活人書亦以此為表裏言之故趙氏曰詳仲景論止分皮膚骨髓而不曰表裏者蓋以皮脉肉筋骨五者素問以為五臟之合主於外而充於身者也惟曰臟曰腑方可言裏可見皮膚即骨髓之上外部浮淺之分骨髓即皮膚之下外部深沉之分與經絡屬表臟腑屬裏之例不同況仲景出此證於太陽篇首其為表證明矣是知虛弱素寒之人感邪發熱熱邪浮淺不勝沉寒故外怯而欲得近衣此所謂熱在皮膚寒在骨髓藥用辛溫至於壯盛素熱之人或酒

客。輩。感。邪。之。初。寒。未。變。熱。陰。邪。閉。於。伏。熱。陰。凝。於。外。熱。鬱。於。內。故。內。煩。而。不。欲。近。衣。此。所。為。寒。在。皮。膚。熱。在。骨。髓。藥。用。辛。涼。必。矣。一。發。之。餘。表。解。正。和。此。仲。景。不。言。之。妙。若。以。皮。膚。為。表。骨。髓。為。裏。則。麻。黃。湯。證。骨。節。疼。痛。其。可。名。為。有。表。復。有。裏。之。證。耶。然。仲。景。傷。寒。書。但。知。為。方。家。之。祖。而。未。解。作。秦。漢。文。字。觀。故。於。大。經。大。法。之。意。反。有。疑。似。而。後。世。賴。其。餘。澤。者。任。往。類。輯。傷。寒。方。論。其。間。失。其。本。義。及。穿。鑿。者。亦。有。之。矧。以。雜。病。為。論。但。引。其。例。乎。茲。趙。氏。釋。疑。可。謂。得。其。旨。趣。且。黃。帝。針。經。有。論。皮。寒。熱。肌。寒。熱。骨。寒。熱。等。例。如。此。則。仲。景。所。論。分。邪。在。皮。膚。骨。髓。之。殊。雖。欲。以。盡。證。例。之。變。蓋。自。有。所。本。云。

惡寒非寒惡熱非熱論

丹溪曰經云惡寒戰慄者皆屬於熱又云禁慄如喪神守皆屬於火惡寒者雖當熯月若遇風霜重綿在身自覺凜凜戰慄禁慄動搖之貌如喪神守惡寒之甚原病式曰病熱甚而反覺其寒此為病熱實非寒也或曰往往見有得熱藥而少愈者何也予曰病熱之人其氣炎上鬱為痰飲抑遏清道陰氣不升病熱尤甚積痰得熱亦為暫退熱勢助邪其病益深或曰寒勢如此誰敢以寒涼與之非殺而何予曰古人遇戰慄之證有以大承氣湯下燥糞而愈者惡寒戰慄明是熱證但有虛實之分耳經曰陰虛則發熱夫陽在外為陰之衛陰在內為陽之守精神外馳嗜欲無節陰氣耗散陽無所附遂致浮散於肌表之間而惡熱也實非有熱當作陰虛治之而用補養之法可也或曰惡寒

非寒宜用寒藥。惡熱非熱宜用補藥。其駭耳目。明示我治之之法可乎。予曰。進士周本道年逾三十。得惡寒病。服附子百數。而病甚。求予治。診其脈。弦而似緩。予以江茶入姜汁香油。此小吐痰一升許。病減大半。又與防風通聖散去硝黃。加地黃。當歸。百餘貼而安。周甚喜。予曰。未也。燥熱已多。血傷亦深。須食淡以養胃。內觀以養神。則水可生。火可降也。不從吾言。附毒必發。彼勇於仕進。一切務外。不守戒忌。予曰。若多與補血涼藥。亦可稍安。內外不靜。腎水不生。附毒必發。病安之後。官於婺城。巡夜冒寒。非附子不可以療。而性怕生薑。只得以猪腰作片。煮附子。與三貼而安。予曰。可。意歸。知其附毒易發。彼以為迂。半年後。果發背而死。又司丞叔平生脚自踝以下。常覺熱。冬不可加綿於上。常

自言曰。我資稟壯。不怕冷。予曰。此是三陰之虛。宜早斷慾事。以補養陰血。庶乎可免。笑而不答。年才五十。患痿半年而死。觀此二人。治法或可知矣。或曰。傷寒病。惡寒惡熱者。亦若是耶。予曰。若病傷寒者。自外入內。先賢言之詳矣。愚妄庸贅。

謹按東垣曰。發熱惡熱。大渴不止。煩躁肌熱。不欲近衣。其脈洪大。按之無力者。或無目痛鼻乾者。非白虎湯證也。此血虛發躁。當以當歸補血湯主之。又有火鬱而熱者。如不能食。而熱自汗。氣短者。虛也。以甘寒之劑。瀉熱補氣。非如能食而熱。口舌乾燥。大便難者。以辛苦大寒之劑下之。瀉熱補水之比。當細分之。不可驟論。與已上皆宜參考。如言煩躁虛煩。亦與實煩不同。如傷寒煩者。為真陽內鬱。陰中伏陽之證。與陰虛

躁熱病本亦異

虛中有熱宜灸論

衛生寶鑑云。與屯周卿之子。年二十三。病發熱。肌熱消瘦。四支困倦。嗜卧盜汗。大便溏。多不思飲食。腸鳴。舌不知味。懶於言語。時來時去。近半載。其脉浮數。按之無力。正應脉訣云。臟中積冷。榮中熱。欲得精。要補虛。先灸中脘。引清氣上。行肥腠理。又灸氣海穴。乃生發元氣。滋榮百脉。灸三里。助胃氣。撤上熱。使下於陰分。以甘寒之劑。瀉熱火。佐以甘溫。養其中氣。又食粳米羊肉之類。固其胃氣。以慎言語。節飲食。至數月。病減得平復。

按此證。治乃陽虛。而胃氣不足。陰陽不升降。致發熱者。宜灸之以助陽藥。以甘寒瀉血中之火熱。又非止陰虛之例也。

論骨蒸勞熱用吐下法

子和曰。皮膚枯乾。痰涎稠粘。四肢疼痛。面赤唇乾。煩躁睡卧不寧。或時喘咳。飲食少味。困弱無力。虛汗黃瘦等證。先以茶調散。輕涌訖。次以導水禹功。輕瀉三兩行。後服柴胡飲子。桂苓甘露飲。搜風丸。白朮調中湯。人參散之類。量虛實用之。如咯血吐血。便血。此亡血也。並不宜吐。吐則神昏。不可峻服熱藥。大忌炙煨酒麪。宜食蔬菜。冰水涼物亦慎。不可過忌。則胃口閉。形瘦脉大。乃死候也。諸勞做此。

謹按一切病候。必憑脉驗。證施治。則自切當也。詳已上勞熱。未必不兼陰陽兩虛。濕熱自甚。或陰虛。或勞傷。形氣。或脾胃虛損。為熱之證。吐去痰涎。及開提鬱陷之氣。次以調養之法。

治之猶可。若便利與禹功導水重峻之劑。吾恐實實虛虛。不善用而藥之太過。多致殺人。且如積熱畜熱有餘之證。非汗吐下法。則不能已者。不善用而藥之不及。亦致誤人矣。當必憑脉驗證施治。庶不致藥有太過不及之失。

論虛熱發汗之誤

東垣曰。仲景論內外不足發熱自汗之證。大禁發汗。若飲食勞倦。雜病發熱。自汗表虛之證。認作有餘。便用麻黃發之。汗大出。則表益虛也。

謹按仲景論傷寒分例。不可發汗者。三。一。餘條至一證。有二禁者。若寒熱有血弱氣虛者也。况雜病乎。然誤則致逆。為禍至速。所謂一逆尚引日。再逆促命期矣。

論陰盛格陽身熱治例

東垣云。馮內翰之姪。標同病傷寒。目赤而煩渴。脉息七八至。按之不鼓擊。經曰。脉至而從。按之不鼓。諸陽皆然。此陰盛格陽於外。非熱也。與姜附之劑。汗出而愈。詳見試效方

按此與王海藏治狂言發斑身熱脉沉細陰證例同。東垣又有治脚膝痿弱。下尻翳皆冷。陰汗臊臭。精滑不固。脉沉數有力。為火鬱于內。逼陰向外。為陽盛拒陰。用苦寒藥下之者。此水火微兆之微。脉證治例之妙。王太僕曰。紀于水火餘氣可知。因併錄之。以勸。

論諸發熱病本不同

此事難知。曰。一身盡熱。先太陽也。從外而之內者。先無形也。為

外傷

謹按仲景論傷寒證例。三陰俱有發熱。但微甚不同。趙氏曰。論中三陽皆有發熱。如少陰二證。外又有吐利。手足不逆冷。反發熱者不死。少陰病一身手足盡熱。以熱在膀胱。必便血。少陰病。四逆散。中用柴胡。亦有治發熱意。又厥陰病。先厥後發熱。而利者必自止。下利脉數。有微熱。汗出。今欲愈。面赤身微熱。為鬱冒。嘔而發熱。小柴胡。與夫太陰病。中風四肢煩疼。是三陰皆有發熱。明矣。但寒傷陰經。發熱。則為逆。詳見寒門。手足不和。兩脇俱熱。如火。先少陽也。從內而之外者。先有形也。為內傷。

內經曰。人數醉。若飽。以入房。氣聚於脾中。不得散。酒氣與穀氣

相薄。熱盛於中。故熱遍於身。內熱而溺赤也。飲食不節。起居不時者。陰受之。入六腑。則身熱不得卧。上為喘呼。

活人書曰。傷食令人頭痛。脉數發熱。但左手人迎脉平和。身不疼痛。是也。

難知曰。脉人迎氣口俱緊盛。或舉按皆實大。發熱而惡寒。腹不和。而口液。此內外俱傷也。

按已上辨內傷外感。詳見內傷門。

內經曰。身熱脉弦數。戰慄而不惡寒者。瘧也。

要略曰。發熱身疲。而身如熏黃者。濕也。一身盡疼。發熱日晡

所刺者。此名風濕。汗出而身熱者。風也。

活人書云。中脘有痰。令人增寒發熱。惡風自汗。寸口脉浮。胸痞

滿有類傷寒。但頭不痛。項不强。為異。

孫尚云。虛煩與傷寒相似。身熱。脉不浮緊。不惡寒。但熱而煩。或

不煩。頭不痛。脚氣為病。大便堅。脚膝腫痛。兩脛或有腫滿。或

枯細者。方其發時。亦有發熱。增寒。惡寒。似傷寒證也。

難經曰。發熱惡寒。脉來浮數者。溫病也。身熱。頭疼。自汗。多眠。陽

脉浮滑。陰脉濡弱者。風溫也。

傷寒論曰。脉虛。身熱。得之傷暑。

東垣云。四肢發熱者。或口乾。舌乾。咽乾。蓋心生火。小腸主熱。火

熱來乘土位。乃濕熱相合。故煩躁悶亂也。四肢者脾土也。火乘

之。故四肢發熱也。或身體沉重。去注疼痛。蓋濕熱相搏。而風

熱鬱而不得伸也。

謹按諸病表熱有相類。則脉氣病本之不同也。因類已上諸

例。是故仲景論傷寒卒病發熱而惡寒者。發於陽也。其脉浮

緊而瀼。為風寒客於榮衛之中也。分六經傳變。脉證至二百

餘例。有因壞候所致。及溫瘧風溫。溫疫等證。皆冬傷於寒。發

為諸脉證之變。此傷寒論之所以作也。河間劉守真論熱病。

因陽氣怫鬱而為熱。或鬱結轉甚而惡寒。所謂亢則害。承乃

制。陽極反似陰。與傷寒皆相類。此原病式之所以作也。東垣

李明之論。內傷脾胃之證。始得之多氣高而喘。身熱而煩。其

脉洪大而頭痛。或渴不止。其皮膚不任風寒。而生寒熱。與外

感傷寒多相似。此脾胃論之所以作也。斯三君之論。本推

明內經病機之旨。條熱證標本之不同。勿視此以為彼也。然

學者不審其義而各為專門。是以丹溪朱先生告學先仲景書者。以傷寒為主。恐悞內傷作外感。先東垣書者。以胃氣為主。恐悞外感為內傷。先河間書者。以熱為主。恐悞以寒為熱。不若先主於內經。則自然活潑潑地。蓋內經之義。則精而博者也。然則微三君子之論。又何由知經義之積隱乎。但不審其義。而各為專門者。視此以為彼。悞人多矣。吁。丹溪之旨微哉。切觀仲景之法。必憑脈驗證。施治變化無窮。滌合內經之旨。如寒邪在表。以辛溫之藥汗之。在裏以辛熱之藥溫之。傳變在半表裏者。以甘寒之藥和解之。傳變入裏者。以苦寒之藥下之。涼劑亦未嘗妄而不用也。大抵因憑脈驗證。以自通變。不可執論專方。如此矧人身之病。有水火徵兆之微。若王太

僕曰。熱來復去。晝見夜伏。夜發晝見。時節而動。是無火也。是例固河間論。亢則害。承乃制。病式亦庶幾矣。丹溪更有論陰陽為惡寒非寒。惡熱非熱者。因人身之病。水火徵兆。幽顯莫測。先哲推論。亦且至矣。然仲景論傷寒脈法。亦未嘗不引雜病。河間論熱證脈法。而且未詳。學者能本仲景。參叔和脈法。自辨內傷外感之分殊。如王海藏曰。仲景言弦澹為陰。叔和言弦澹為陽。雖有陰陽之別。則不離諸數為執。諸遲為寒。仲景叔和言本兩途。非相違背。合而論之。皆是也。仲景所言傷寒。自外從氣而入。以弦脈為陰邪。從外入先太陽也。叔和所言雜病。自內從血而出。以弦脈為陽病。自內生先少陽也。如此則形證有相類。脈氣病本之不同。學者審是則自然通變。

不致視此以為彼拘於執論專方而已也。

熱門

發表之劑

易簡參蘇欵治感冒發熱頭痛或因痰飲凝積為熱狀似傷寒者

前胡

人參

紫蘇

乾葛

半夏

茯苓各三分

枳殼

陳皮

甘草

桔梗

木香各半錢

右咬咀生姜五片水煎服

人參敗毒散

方見欵門

按此二方是少陽柴胡例藥參蘇欵解見痰飲門

局方柴胡升麻湯治發熱頭痛惡風體疲鼻塞咽乾痰盛

方是傷風門

按此是少陽陽明手太陰藥也

葛根解肌湯治發熱惡寒頭痛項強傷寒濕病

葛根 四錢 桂 一錢 黃芩 甘草

白芍 各錢 麻黃 三錢

右咬咀入姜棗煎

按此是太陽陽明太陰藥也

知母葛根湯治身熱頭痛風溫溫毒證

知母 一錢半 葛根 四錢 石膏 三錢 甘草

木香 升麻 黃芩 南星

人參 防風 杏仁 川芎

羌活 各錢 萎蕤 二錢半 麻黃 二錢

右咬咀作二服入姜煎

按此是太陽陽明手太陰藥也已上三方並是太陽例

河間六神通解散治發熱頭痛發渴身疼脉洪無汗

麻黃 二錢 甘草 三錢 石膏 滑石

黃芩 各四錢 蒼朮 八錢

右咬咀入姜葱煎

按此是三陽手是太陰藥也出太陽例

易老九味羌活湯治發熱惡寒無汗或自汗頭痛項強或傷風

見寒脉傷寒見風脉並宜服之

羌活 防風 蒼朮 各錢半 川芎

白芷

生地黄

黃芩

甘草各一錢

細辛一錢

右吹咀水煎

按此是太陽陽明三陰藥也

易老云經曰有汗不得服麻黃無汗不得服桂枝若差失則其變不可勝言故立此法使不犯三陽禁忌為解利神方非獨治雜病藥也

謹按仲景論傷寒發表藥分六經及解肌可刺諸法蓋恐藥致候變逆慎之至也今集已上諸方皆傷寒表藥之變法宜詳審脉證而擇用之然易老九味河間通解意雖不同務在藥證相對名實相符方可行之否則犯禁致逆及失其立法

之意也是以許文正公曰近世論醫有主河間劉氏者有主易老張氏者張氏用藥依准四時陰陽升降而增損之正內經四氣調神之義醫而不知此妄行也劉氏用藥務在推陳致新不使少有悖鬱正造化新新不停之義醫而不知此無術也然而主張張氏者或未盡張氏之妙則瞑眩之劑終莫敢投至失幾後時而不救者多矣主劉氏者或未悉劉氏之蘊則劫效目前陰損正氣遺禍於後日者多矣能用二家之長而無二家之弊則治庶幾乎於此二方製法可見大抵學者當於經論中求之知其所主不可偏執於一家而已

攻裏之劑

宣明三乙承氣湯治臟腑積熱痞滿燥實堅脹

甘草

枳實

厚朴

大黃

芒硝

右咬咀入姜煎

按此是陽明例藥也。發明曰：漢張仲景作傷寒論，為邪自外入傳於胃者，謂之入腑。腑之為言聚也。胃為水穀之海，榮衛之源。水穀會聚，變化而為榮衛。邪氣入胃，則胃中之氣苑滯，糟粕秘結，而為實。實則瀉之，人所共知。如緩急輕重之劑，則臨時消息焉。不惡寒，反惡熱，發渴譫語，腹滿而喘，手足濇然汗出者，急下之，宜大承氣湯。如邪氣未深，恐有燥屎，少服小承氣湯。試之腹中轉失氣者，有燥屎也，乃可攻之。不轉失氣者，初硬後溏，尚未可攻。攻之則腹滿不能食，若腹滿不通與

小承氣湯微和胃氣，勿令大泄。如發汗後，不惡寒，但熱者，胃實也。當和胃氣，調胃承氣湯主之。成無已云：大熱結實者，與大承氣湯。小熱微結者，與小承氣湯。以熱不太甚，故於大承氣湯中去芒硝。又以結不至堅，故減厚朴。枳實也。如不至大堅滿，邪熱甚而瀆攻下者，亦未可投大承氣湯。必以輕緩之劑攻之。於大承氣湯減厚朴、枳實，加甘草，乃輕緩之劑。以調胃也。設若大承氣反用調胃治之，則邪氣不服。小承氣證反用大承氣下之，則過傷正氣，而腹滿不能食。故有勿大泄之戒。此仲景所以分治之。未嘗越聖人制度。後之醫者，以此三藥合而為一。且云通治三藥之證，及無問傷寒雜證，內外一切所傷，若依此說，與仲景之方甚相違背。及失軒岐緩急之

旨。由是紅紫眩亂迷惑世人一唱百和使病者暗受其弊。將何訴哉。倘有仁心。審是者。當於內經仲景方中求之。貴使藥證相對。以聖賢之心為心。則方之真偽自可得而知矣。當歸承氣湯治燥熱裏熱火鬱為病。或皮膚枯燥或咽乾鼻乾。或便溺結閤。通宜用此。

當歸

大黃各四錢 甘草

芒硝各二錢

右咬咀入姜煎

按此是太陰厥陰陽明藥也。凡血證下藥詳見仲景抵當諸湯例。茲不備錄。但此與前方可見有氣血之分。發表攻裏之劑。

宣明雙解散治一切風熱積熱

益元散

防風通聖散

各一兩

右每三五錢入葱白鹽豉五十粒姜三片煎服

按此是太陽陽明少陰厥陰手足太陰藥也。治風熱鬱熱甚捷。但本論云。治風寒暑濕飢飽勞役內外諸邪所傷無間雜病。便可通解。然斯意混同主治。而寒濕何以得散。內傷不足之證。何以抵受。邪實實虛虛不無致逆。故潘思敬云。是仲景調胃承氣湯後人一變。加連翹梔子薄荷黃芩。謂之涼膈。至河間又一變於涼膈中。加防風川芎。當歸芍藥麻黃石膏。桔梗滑石荊芥白朮。謂之防風通聖。古之復方也。今復之又復。製法蓋可知矣。而學者識之。

大柴胡湯治傷寒雜證發熱脈沉實弦數熱日數多或有表復

有裏脉洪頭痛而譫妄或濕熱自利表裏證已急宜此下之

柴胡四錢

黃芩

芍藥各一錢半半夏一錢二分

枳實二錢

大黃一錢半

右咬咀入姜棗煎

按此是少陽陽明太陰厥陰藥也出太陽例

清氣之劑

局方人參白虎湯治氣熱心煩發渴

石膏四錢

知母一錢半

甘草一錢

人參半錢

右咬咀入粳米一合煎

按此是陽明少陰手太陰藥也

清心蓮子飲治發熱口乾小便白濁夜則安靜晝則發熱

黃芩

麥門冬

地骨皮

車前子

甘草各三錢半蓮肉

茯苓

黃芪

柴胡

人參各二錢半

右咬咀水煎

按此是少陽少陰手太陰藥也

宣明柴胡飲子解一切肌熱蒸熱積熱或汗後餘熱脉洪實弦數

黃芩

甘草

大黃

芍藥

柴胡

人參

當歸各三錢半

右咬咀入姜煎

按此是少陽例又表裏血藥也寶鑑附於氣分熱例下今姑

從之學者宜取擇焉

機要云若膚如火燎而熱以手取之不甚熱為肺熱目睛赤煩燥或引飲黃芩一味主之晝則行陽二十五度此言氣分熱也

涼血之劑

清涼飲子治大人小兒血脈壅實臟腑生熱面赤煩渴睡卧不寧

大黃

芍藥

當歸

甘草各等分

右咬咀水煎

按此是太陰厥陰之的藥也

元戎四物二連湯治血虛虛勞發熱五心煩熱晝則明了夜則發

熱

當歸

生地黄

白芍

川芎

黃連

胡黃連

右咬咀水煎服

按此是太陰厥陰手少陰經藥也

機要云若夜發熱主行陰夜則行陰二十五度若脇肋熱或一身盡熱或日晡肌熱者皆血病也宜以上方及挑仁承氣選而用之

清氣涼血之劑

局方洗心散治風壅壯熱頭目昏痛熱氣上衝口苦唇焦咽喉腫痛心神煩燥多渴五心煩熱小便赤澀大便秘滯

大黃

甘草

當歸

芍藥

麻黃

荊芥穗 各六錢

白朮 五錢

右為末每服二三錢生姜薄荷湯煎服

按此是太陽陽明厥陰手足太陰經藥也今人多用之故收

入然以白朮合大黃入心故名洗心而後以麻黃荊芥亦是

表裏藥

甘露飲治男子婦人小兒煩熱胃中客熱口臭齒齲煩渴咽瘡

等證

熟地黃

生地黃

枇杷葉

山茵陳

天門冬

麥門冬

枳殼

黃芩

石斛

甘草 各等分

右為末每服二錢水煎服

按此是陽明手太陰少陰經藥也

龍腦雞蘇丸除煩熱鬱熱 熱多嗽鼻衄吐血崩下血熱淋

消渴驚悸解酒毒胃熱口臭口苦開心明目

薄荷葉 二錢

生地黃 一錢

麥門冬 一錢

蒲黃 炒

阿膠 炒 各三錢

黃芪 一錢

人參

木通 各三錢

銀州柴胡

白朮 通液言取汁入膏

甘草 一錢半

右為末用蜜三兩二錢煉過後下地黃末木通柴胡汁熬成

膏丸桐子大每二十九丸嚼破湯下

按此三焦藥也

安神清鎮諸方

局方至寶丹 方見中風門

按此氣血之藥通關透肌骨之劑也

東垣朱砂安神丸治心神煩亂怔忡兀兀欲吐氣亂而熱似懊
懷狀

黃連一錢半 生地黄 當歸身 甘草炙各半錢

朱砂一錢別研

右為末蒸餅丸黍米大每十九或十五二十九垂注下

按此二方血分藥也

牛黃膏治熱入血室發狂不認人者

牛黃二錢半 朱砂 麝金各三錢 腦子

甘草各錢 牡丹皮二錢

右為細末煉蜜丸皂子大新水化下

錢氏安神丸治熱渴心悶脉實頰赤口燥

麥門冬 馬牙硝 白茯苓 山藥

寒水石各兩 朱砂二兩 甘草半兩 龍腦一字

右為末煉蜜丸雞頭大每服半丸或一丸沙糖水化下

按此氣分藥也

瀉諸經實熱方

局方涼膈散治上焦積熱煩躁多渴面赤面熱頭昏咽燥喉咽

腫痛口瘡便溺赤澁狂言譫妄睡卧不安並宜服之

大黃 朴硝 甘草各二兩 連翹四兩

梔子仁 黃芩 薄荷葉各兩

右為末每服二錢竹葉蜜此小煎服

按此手太陰少陰之太陰陽明藥也輕者宜用桔梗湯母犯

下二焦也餘倣此 桔梗湯見喉痺門

調胃承氣湯治中焦實熱胃熱實而不滿

大黃兩 甘草二錢半 芒硝四錢半

右咬咀水煎

按此之陽明經藥也輕者宜用前胡散

八正散治下焦積熱二便閉澀多渴咽乾口舌生瘡腫痛淋血

大黃 瞿麥 木通 滑石

篇竹 車前子 山梔 甘草各等分

右為末每服二錢水煎入燈心

按此是太陽陽明經藥也輕者宜用導赤散

錢氏瀉青丸治肝經鬱熱

當歸 龍膽草 川芎 山梔

大黃 羌活 防風

右為末蜜丸雞頭子大每一二丸

瀉心湯治心熱

黃連一兩

右為末水調二三分量病人大小與之

瀉黃散治脾熱口臭咽乾

藿香葉錢 山梔一兩 石膏半兩 甘草三兩

防風四兩

右為末同蜜酒拌微炒香每服一錢

瀉白散治肺熱

桑白皮

地骨皮各兩 甘草半兩

右為末每服二三錢

東垣滋腎丸治腎熱

黃柏三錢

知母三錢

桂一分半

右為末熟水丸桐子大每七八十九至百丸食前百沸湯下

按此五臟藥例也

半夏湯治膽腑實熱精神不守熱泄病

半夏

宿姜各錢

黃芩

遠志

茯苓各錢

生地黄五錢

秫米數合

酸棗仁二合

右呔咀長流水煎

導赤散治小腸實熱小便赤澀而渴

生地黄

木通

甘草各等分

右末入竹葉同煎

前胡散治胃氣實熱唇口乾裂中心熱躁大便秘結非時煩渴

睡中口内生涎

大黃半兩

桔梗

枳殼

前胡

杏仁各錢

葛根二錢

右為末每二錢入姜煎

瀉白湯治大腸實熱腹脹不通俠臍痛食不化喘不能久立口

生瘡

橘皮

淡竹茹

黃芩

梔子仁

藤皮炙各半兩

茯苓

芒硝各兩

生地黃三兩

右剉每四錢入姜棗煎空心服

赤茯苓湯治膀胱實熱腹脹小便不通口苦舌乾咽腫不利

赤茯苓

猪苓

葵子

枳實

瞿麥

木通

黃芩

車前子

滑石

甘草各等分

右咬咀入姜煎食前服

按已上諸方出五臟治要例

治虛熱升陽之劑

小柴胡湯治潮熱身熱默默不欲飲食或嘔或渴或利或欬

人參

半夏

生甘草

黃芩各二錢

柴胡四錢

生姜五片

棗二枚

石咬咀水煎

按此是少陽藥也出太陽例主虛勞煩熱能引清氣上行陽道在經主氣在臟主血故更能入血室也

東垣升陽益胃湯治肺之脾胃虛怠嗜卧四肢不收身體沉重口乾食無味大便不調小便頻數食少食不消洒淅惡寒而或微熱

方見內傷門

按此手太陰足陽明太陰之藥欲升浮中焦下陷之氣故加太陽諸經藥也

補中益氣湯治形神勞役或飲食失節勞倦虛損身熱而煩脉洪大而虛頭痛或惡寒而渴自汗無力氣高而喘

黃芪一錢半

人參

甘草各錢

白朮

當歸身

柴胡

升麻

陳皮各半錢

右咬咀水煎

按此手足太陰少陽經藥表裏氣血之劑也加減見內傷門

謹按發明曰經云治熱以寒溫而行之治寒以熱涼而行之治溫以清冷而行之治清以溫熱而行之夫治熱以寒溫而行之者有三皆同大熱在身止用黃芪人參甘草此三味者皆甘溫雖表裏皆熱躁發於內捫之肌熱於外能和之汗自出而解矣此溫能除大熱之至理也熱極生風乃左遷入地

補母以虛其子使天道右遷順行諸病得天令行而必愈二也况太熱在上其大寒必伏於內溫能退寒以助地氣地氣者在人乃胃之生氣使真氣旺三也此與熱因寒用寒因熱用必伏其所主而先其所因治法理同而證不同學者最宜深玩

治虛熱滋陰之劑

楊氏秦艽扶羸湯治肺痿骨蒸成勞或嗽或寒或熱聲啞不出體虛自汗四肢怠惰

柴胡錢

人參

鱉甲炙

秦艽

當歸

地骨皮各錢半

紫苑

甘草各一錢

右呔咀水煎

按此是少陽例藥又氣血之劑也

局方當歸補血湯治肌熱躁熱目赤面紅煩渴引飲晝夜不息其脉洪大而虛重按全無此脉虛血虛也若誤服白虎湯必死宜此主之

黃芪

當歸

右呔咀水煎

按此是三陰經藥也

十味人參散治虛熱潮熱身體倦怠

柴胡

甘草

人參

茯苓

半夏

白朮

黃芩

當歸

按此手是三陰氣血藥也

人參養榮湯治久病虛損口乾食少欬而下利心驚悸熱而自汗

前方減芍加陳皮五味遠志

右呔咀入姜棗煎

按此手是太陰藥氣血之劑也

黃芪煎散治男女虛熱身瘦五心煩熱四支怠惰欬嗽咽乾自汗食少

人參

肉桂

桔梗各等分

生地黄

半夏

紫苑

知母

白芍

黃芪

甘草

桑白皮各等分

天門冬

散魚甲各五錢 秦艽

茯苓

地骨皮

柴胡各三錢

右咬咀入姜煎每服一兩衛生寶鑑減桂芍地骨名人參黃芪散

按此手太陰例藥氣血之劑然氣亂於胸中為清濁相干者須加氣藥以理之又不必拘此如氣液衰陰血竭古方有兼用烏梅蛤蚧猪腎脊髓人屎等物皆其法也

治風熱之劑

川芎石膏湯

方見中風門 仙朮芎散治風熱燥熱

白芍

葛根 等分

右咬咀入姜煎

按此是少陽陽明太陰經藥也

瑞竹堂柴胡梅連散治骨蒸勞熱久而不痊三服除根其效如神及五勞七傷虛弱皆治

胡黃連

柴胡

前胡

烏梅各三錢

右咬咀每二錢童便一盞猪肚一枚猪脊髓一條韭根白半錢同煎至七分去粗溫服不拘時

按此是少陽厥陰手少陰太陰經藥也出少陽例亦是劫劑元戎五蒸湯治骨蒸勞熱自汗

甘草

人參

知母

黃芩各二錢

茯苓

熟地黄

葛根各三錢

石膏半兩

竹葉 二片

右以咀作一服入粳米一合煎加減見本論

按此是陽明手太陰手足少陰經藥也巳上並氣血之劑
升陽滋陰之劑

局方十全大補湯治諸虛不足五勞七傷不進飲食久病虛損
時發潮熱者

白茯苓

人參

當歸

白朮

黃芪

川芎

肉桂

白芍炒

熟地黄

甘草等分

右以咀每服一兩入姜棗水煎

防風通聖中加菊花藿香砂仁減麻黃芒硝

右為末每服一二錢

按此是太陽陽明三陰經藥也

寒熱之劑

柴胡姜桂湯治寒熱自汗

柴胡 四錢

桂枝

黃芩

乾姜

甘草

牡蠣各二錢半

瓜蒌根 二錢

右以咀水煎

按此少陽例藥也

桂枝麻黃各半湯治發熱惡寒便清不渴脉浮緊而瀋

方見傷寒例

陽旦湯治身熱惡寒頭痛脉洪盛自汗

桂枝湯加黃芩一兩

按此並太陽例藥

暑熱之劑

局方黃連香薷飲

按此手太陰少陰藥也

東垣清暑益氣湯

方並見暑門

按此手是太陰少陰是陽明藥也

濕熱之劑

五苓散

方見濕門

東垣清燥湯

方見痿門

按此手是太陰氣血之劑也出太陽例

火熱之劑

黃連解毒湯

按此手是太陽陽明少陰手太陰藥也

當歸龍膽丸

方並見火門

按此是陽明厥陰手是太陰少陰藥也

風濕熱之劑

東垣羌活湯治身重或眩暈麻木小便澀大便不調下焦痿軟

不能行止

羌活

防風

柴胡各錢

藁本

獨活

茯苓

澤瀉

猪苓

黃芪

甘草炙

陳皮

黃柏

黃連

蒼朮

升麻

川芎 各半錢

右咬咀水煎

按此踈風勝濕升陽之劑也出太陽茯苓澤瀉例治食熱之劑

千金紫丸治飲食傷先寒後熱

見本方

拔萃妙香丸

方見風痼門

丹溪越鞠丸治食鬱

蒼朮

神麩

香附

山楂

醋炒鉞砂

撫芎等分

右為末糊丸後加減法為六鬱例併附于左

氣鬱

香附

蒼朮

撫芎

血鬱

見血明

濕鬱

見濕門

痰鬱

海石

香附

瓜蒌仁

南星

熱鬱

香附

撫芎

青黛

蒼朮

按食傷發熱諸例宜於內傷門選用

卷之九



